



2 Mi por lesa

Invento prèt

1.



Tin biaha un inventor ta hasi un invento grasioso. Laga mi konta bo di algun di e inventonan prèt akí.

3.



Hopi aña pasá mener Rowlands a inventá un aparato pa kana riba awa kuné. Awendia nan ta bende un modèl di sapatu den forma di boto pa kana riba awa.

2.



Na aña 1990 un kómiko a bini ku un idea masha partikular mes. El a traha un tapeit ku strepi di zebra. Ora e mester a krusa kaya e tabata habri e tapeit abou i krusa kaya.

4.



Un dia tabatin un inventor ku tabata gusta kore baiskel tur dia. Ora e

tabata yega kas, e mester a tuma un baño, pasobra e tabata papa sodá. Dikon mi no ta kombiná e dos kosnan ei, el a pensa riba un dia. Asina el a bini riba e idea pa traha un baiskel ku ta alabes un ducha. Miéntras e tabata trapa e pedalnan di e baiskel, awa tabata basha riba su kurpa.

5.



Un hapones tabata fadá ku e tabata kima su boka ku kuminda muchu kayente. P'esei el a bini riba e idea pa pega un fèn chikitu na su palitunan di kome. Kon bo ta haña e idea?

6.

Kon bo ta haña e slòfnan di pushi Kiki? Asina e ta yuda su doño stòf tur kos den kas. Un bon invento òf nò?

3 Bo a komprendé?

- Promé bo yùfrou òf mener ta lesa e teksto.
- Despues abo ta les'é.
- Bo a komprendé e teksto?

Pregunta

1. Kiko ta e bentaha di e tapeit di zebra?
2. Ken a inventá un aparato pa kana riba awa?
3. Bo por kana riba awa awendia. Kon esei ta bai?
4. Ki idea e inventor, ku tabata kore baiskel tur dia, a haña?
5. Kon e aparato tabata traha?
6. Ki invento un hapones, ku tabata fadá di kima su boka ku kuminda muchu kayente, a hasi?
7. Pushi Kiki ta yuda su doño ku limpiamentu di kas. Kon e ta hasi esei?

